



REPUBLIKA E SHQIPËRISË
AVOKATI I POPULLIT



Mekanizmi Kombëtar për Parandalimin e Torturës

Adresa: Bulevardi: "Zhan D'Ark" Nr.2
Tiranë, Shqipëri

Tel/Fax: +355 4 2380 300/315
E-mail: ap@avokatipopullit.gov.al
www.avokatipopullit.gov.al

Nr. Prot.
Nr. Dok. 201501119/2

Tiranë ___/___/2015

Lënda : *Rekomandime për inspektimin e bërë në Komisaratin e Policisë Pukë*

Drejtuar : **Shefit të Komisarimit Pukë
Z. Hamdi Shullani**

PUKË

Për dijeni : **Drejtorit të Përgjithshëm të Policisë së Shtetit
Z. Haki ÇAKO**

TIRANË

I nderuar Z. Shullani,

Institucioni i Avokatit të Popullit, në rolin e Mekanizmit Kombëtar për Parandalimin e Torturës¹, më datë 03.06.2015, inspektoi Komisaratin e Policisë Pukë, organ në varësi të Drejtorisë së Policisë Qarkut Shkodër.

Inspektimi u krye nga ekspertët e Mekanizmit Kombëtar për Parandalimin e Torturës: Z. Alfred Koçobashi (jurist), Iris Laçi (juriste) dhe Zj. Alma Alibali, (mjeke psikiatre).

Pasi u njoh me konstatimet e grupit inspektues, Avokati i Popullit ka detyrimin kushtetues dhe ligjor t'ju parashtrorë konkluzionet përfundimtare, duke ju referuar si më poshtë vijon:

¹ Në mbështetje të nenit 19/1 të ligjit nr.8454, datë 04.02.1999, "Për Avokatin e Popullit", i ndryshuar.

Shënime paraprake

Inspektimi kishte si qëllim verifikimin e respektimit të standardeve të përcaktuara në ligjin nr. 108/2014 “Për Policinë e Shtetit”, Manualin e “Rregullave dhe Procedurave Standarde për Trajtimin dhe Sigurimin e Personave të Arrestuar dhe Ndaluar në Njësitë Policore”, miratuar me Urdhër të Drejtorit të Përgjithshëm të Policisë së Shtetit nr. 763, datë 27.09.2011 dhe zbatimin e rekomandimeve të Avokatit të Popullit lidhur me kushtet që ofrohen në këto ambiente dhe kryesisht dhomat e shoqërimit dhe të sigurisë, për të cilat është rekomanduar të ndërtohen apo përshtaten sipas standardeve ligjore.

Në përputhje me procedurën e zhvillimit të inspektimit, fillimisht ekspertët morën kontakt me titullarin e këtij komisariati për t'i komunikuar qëllimin e inspektimit. Vlen të theksohet fakti se nga drejtuesi u tregua bashkëpunim gjatë kohës që grupi ishte në inspektim, në zbatim të ligjit nr. Nr. 8454, datë 04.02.1999 “Për Avokatin e Popullit”, i ndryshuar. Pasi mori informacionin e nevojshëm për kryerjen e detyrës, grupi i inspektimit, vizitoi ambientet e shoqërimit/ ndalim/arrestimit dhe zyrat e oficerëve të policisë gjyqësore, si dhe u njoh me dokumentacionin e pasqyruar në regjistrat dhe aktet përkatëse.

Trajtimi i personave të shoqëruar, të ndaluar/arrestuar

Gjatë monitorimit nuk kishte persona të shoqëruar/ ndaluar/ arrestuar. Personat e ndaluar/ arrestuar menjëherë pas veprimeve procedurale nga punonjësi i policisë, dërgoheshin në ambientet e Drejtorisë së Qarkut Shkodër. Nga këqyrja e librit të evidentimit të personave të shoqëruar/ të ndaluar/ arrestuar, nuk kishte mospërputhje mes kohës (orës) kur ishin ndaluar apo arrestuar me orën e shënuar në procesverbalet e arrestimit në flagrancë.

Nga informacionet e grumbulluara gjatë vizitës nuk rezultoi asnjë rast i përdorimit të mjeteve të forcës dhe shtrëngimit fizik, nga ana e policisë ndaj shtetasve të ndaluar/arrestuar me qëllim përmbushjen e një synimi të ligjshëm sipas dispozitave ligjore në fuqi.

Gjatë vizitës së bërë në ambientet e komisariatit të policisë, u konstatua se në korridore, zyra të oficerëve të policisë gjyqësore ashtu dhe brenda dhomave të shoqërimit nuk ishin afishuar të drejtat e personave. Në intervistë me punonjësit e policisë, ata pohuan se të ndaluarit/arrestuarit njiheshin me të drejtat e tyre nga ana e punonjësve të policisë që në momentin e parë të shoqërimit/ ndalimit/ arrestimit.

Gjatë vizitës u konstatua që në ambientet e shoqërimit dhe të hetimit nuk kishte aparat telefonik, me qëllim që të shoqëruarit, ndaluarit/ arrestuarit të komunikonin me familjarët e tyre².

Nga bisedat me punonjësit e policisë, grupi i punës u informua se të ndaluarit/ arrestuarit gëzonin aksesin për një avokat që në momentin e parë të privimit nga liria,³ duke bërë të mundur që avokati të ishte i pranishëm gjatë marrjes në pyetje nga ana e policisë, megjithatë u konstatua fakti që të ndaluarit/ arrestuarit, e kishin të pamundur për të bërë vetë zgjedhjen e mbrojtjes, pasi lista e avokatëve mbrojtës nuk ishte e afishuar.

Shërbimi psikologjik duhej të mundësohej nga psikologu i Drejtorisë Policisë Qarkut Shkodër, por nga informacioni i marrë nga punonjësit e policisë së komisarariatit Pukë, rezultoi se ky shërbim kryhej nga psikologë të shkollave të mesme të qytetit, pasi distanca e madhe me Drejtorinë e Policisë Qarkut Shkodër e bënte të pamundur ardhjen në kohë të psikologut të drejtorisë.

Në Komisarariatin e Policisë Pukë u konstatua se, libri i shoqërimit nuk ishte i ndërtuar sipas kërkesave të përcaktuara në legjislacionin në fuqi dhe Manualin “*Për Rregullat e Trajtimin e Sigurimin e të Ndaluarve dhe Arrestuarve në Dhomat e Sigurisë në Njësitë Policore*”, pasi ky regjistër ishte i një formati të vjetër dhe përdorej njëkohësisht si për regjistrimin e personave të shoqëruar, ashtu dhe për ato të ndaluar/ arrestuar. Në këtë rast nuk mund të plotësoheshin të gjitha rubrikat ku duhet të pasqyrohen të dhëna për personat e shoqëruar pasi instituti i shoqërimit ka të tjera specifika dhe kërkesa ligjore nga ai i të ndaluarve/arrestuarve.

Në këtë Komisarariat Policie nuk kishte sistem monitorimi me kamera.

Në Komisarariatin e Policisë Pukë kishte një dhomë shoqërimi e cila ndodhet në katin e dytë të ndërtesës së Komisarariatit të Policisë. Dhoma ishte me dimensione 3 x 3.5m, me derë druri, me ndriçim nga rrjeti, e lyer dhe e pastër, me dritare me dimensione 1.5 x 1.5m e cila krijonte mundësi për ajrim e ndriçim të plotë natyral, por dhoma ishte pa ngrohje dhe nuk ishte e pajisur me orënditë e nevojshme si tavolinë, karrige apo stola për qëndrimin ulur të shtetasve të shoqëruar. Dhoma përdorej vetëm për personat e shoqëruar madhorë meshkuj. Dhoma përdorej vetëm për personat e shoqëruar madhorë meshkuj, duke mos përmbushur kërkesat e ligjit nr. 108/2014 “Për Policinë e Shtetit” dhe Manualit të “Rregullave dhe Procedurave Standarde për Trajtimin dhe Sigurimin e Personave të Shoqëruar, Arrestuar dhe Ndaluar në Njësitë Policore”, miratuar me Urdhër të Drejtorit të Përgjithshëm të Policisë së Shtetit nr. 763, datë 27.09.2011 që parashikon dhoma më vete. Të shoqëruarit femra e të mitur mbaheshin në korridoret e Komisarariatit të Policisë. Për sa më lart, qëndrimi i shtetasve në këto kushte, përbën trajtim degradues, si dhe cenon dinjitetin e çdo personi që mbahet në këto ambiente.

² Kreu V, pika 6.1, germa “f” e Manualit

³ Neni 53 i KPrP

Ambientet e vjetra të shoqërimit ishin nxjerrë jashtë funksionit⁴, si ambiente jashtë standardeve të përcaktuara në aktet normative, në zbatim të rekomandimeve të bëra nga Avokati i Popullit në vitet e shkuara.

Në Komisarlatin e Policisë Pukë nuk ka dhoma të sigurisë dhe personat e ndaluar apo arrestuar dërgoheshin menjëherë në dhomat e sigurisë të Komisarlatit të Policisë Shkodër.

Në zyrat e punonjësve të policisë nuk u konstatuan sende të paligjshme që mund të përdreshin për të ushtruar dhunë apo torturë ndaj të ndalurve dhe të arrestuarve.

Me qëllim zgjidhjen e problemeve të mësipërme, bazuar në pikën 3 të nenit 63 të Kushtetutës ku thuhet se: *“Avokati i Popullit ka të drejtë të bëjë rekomandime dhe të propozojë masa kur vëren shkelje të të drejtave dhe lirive të njeriut nga administrata publike”* dhe në bazë të nenit 21/b të ligjit Nr. 8454 datë 04.02.1999 *“Për Avokatin e Popullit”*, i ndryshuar, ku përcaktohet se: *“Avokati i Popullit paraqet rekomandime për vënien në vend të së drejtës së shkelur tek organi administrativ, që, sipas tij, ka shkaktuar shkelje të të drejtave dhe lirive”*,

REKOMANDOJMË :

1. Marrjen e masave për ndërtimin ose rikonstrukcionin e ambienteve të shoqërimit në Komisarlatin e Policisë Pukë duke krijuar ambiente të përshtatshme, dinjitoze, të pajisura me orënditë e nevojshme për qëndrim, të ndara më vete për femra, meshkuj dhe të mitur.
2. Marrjen e masave për pajisjen dhe plotësimin me përgjegjësi të librit të personave të shoqëruar.
3. Marrjen e masave për vënien në përdorim, sa më parë të jetë e mundur, të librit të regjistrimit për personat e ndaluar/ arrestuar.
4. Marrjen e masave për vendosjen e sistemit të monitorimit në këtë komisarlat.
5. Marrjen e masave për krijimin e dhomave të marrjes në pyetje të shtetasve nga Oficerët e Policisë Gjyqësore.
6. Marrjen e masave të nevojshme nga organet policore për të ofruar një listë me kontakte të avokatëve mbrojtës, si dhe për mundësuar praninë e avokatëve të përzgjedhur gjatë procesit të marrjes në pyetje.

⁴ Urdhër Nr.239, datë 28.05.2012 të Drejtorit të Përgjithshëm të Policisë së Shtetit.

Për qëndrimin dhe masat që do merrni në zbatim të këtij rekomandimi, të vihemi në dijeni brenda afatit 30 ditor sipas nenit 22 të ligjit Nr.8454 dt.04.02.1999 “Për Avokatin e Popullit”, i ndryshuar.

Duke besuar në mirëkuptimin dhe bashkëpunimin tuaj,

AVOKATI I POPULLIT

Igli TOTOZANI

Në mungesë dhe me Porosi

K O M I S I O N E R I

Arben SHKËMBI